



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400; 726 413  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-335-5/25**

Datum: **24.09.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „MESSER TEHNOPLIN“ d.o.o. Sarajevo za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekata za proizvodnju, promet i distribuciju tehničkih i medicinskih plinova, izgrađenih u ulici Rajlovačka bb, općina Novi Grad, Sarajevo, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Daje se vodna dozvola firmi „MESSER TEHNOPLIN“ d.o.o. Sarajevo za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekata za proizvodnju, promet i distribuciju tehničkih i medicinskih plinova, izgrađenih na zemljištu označenom kao k.č. broj 390/1, 390/3, 390/4, 392/5, 393/3, 387/1, 387/2, 86/4, 86/7, 86/10, 86/11, 86/9 i 86/3 K.O. Rajlovac, općina Novi Grad, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na predmetnoj lokaciji, pod slijedećim uslovima:
  - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
  - 3.2. Vlasnik, odnosno korisnik poslovnog objekta je obavezan da izgrađene objekte, a čija svrha je odvođenje i prečišćavanje otpadnih voda redovno održava i koristiti na način koji će obezbijediti njihovu potpunu ispravnost i funkcionalnost.
  - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
  - 3.4. Izveštaje o ispitivanju i ocjenu kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10).
  - 3.5. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
4. Korisnik objekta je obavezan vršiti plaćanje vodne naknade u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16).

5. U periodu važenja ove vodne dozvole, korisnik objekta „MESSER TEHNOPLIN“ d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaje u skladu sa odredbama Zakona o vodama.
9. Ova vodna dozvola, u skladu sa članom 117. i 129. stav (1) Zakona o vodama, se daje sa rokom važenja od 5 (pet) godina od dana njene pravosnažnosti.
10. Prije isteka važnosti ove vodne dozvole Investitor je dužan da podnese zahtjev za izdavanje nove vodne dozvole.

## **O b r a z l o ž e n j e**

Investitor „MESSER TEHNOPLIN“ d.o.o. Sarajevo podnio je zahtjev za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije objekata za proizvodnju, promet i distribuciju tehničkih i medicinskih plinova, izgrađenih na zemljištu označenom kao k.č. broj 390/1, 390/3, 390/4, 392/5, 393/3, 387/1, 387/2, 86/4, 86/7, 86/10, 86/11, 86/9 i 86/3 K.O. Rajlovac, općina Novi Grad, Sarajevo.

Uz zahtjev je dostavljena slijedeća dokumentacija:

- Ovjerena kopija Aktuelnog izvoda iz sudskog registra, o upisu subjekta upisa „MESSER TEHNOPLIN“ d.o.o. Sarajevo, broj: 065-0-RegZ-25-004906 od 11.04.2025. godine, izdatog od strane Općinskog suda u Sarajevu;
- Ovjerena kopija Uvjerenja o poreznoj registraciji, od 12.07.2022. godine, izdatog od strane Porezne uprave Federacije BiH – Kantonalni porezni ured Sarajevo;
- Kopija Rješenja o okolinskoj dozvoli donesenog od strane Federalnog ministarstva okoliša i turizma, broj: UPI05/2-02-19-5-173/22 SC dana 19.06.2022. godine;
- Izvještaj o monitoringu kvaliteta i kvantiteta otpadnih voda objekta „MESSER TEHNOPLIN“ d.o.o. Sarajevo, broj: 307/25, mart 2025. godine;
- Dokaz o uplati upravne pristojbe.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-335-2/25 dana 29.08.2025. godine.

Predmetni objekat pravnog lica „MESSER TEHNOPLIN“ izgrađen je u ulici Rajlovačka bb, općina Novi Grad Sarajevo, u sklopu Regulacionog plana „Privredna zona Rajlovac“. Pristup objektu obezbijeđen je putem postojeće interne saobraćajnice na jugoistočnoj strani, koja se priključuje na Rajlovačku cestu.

Na predmetnoj lokaciji smješteni su slijedeći objekti: administrativno-poslovni, punionica sa opremom i instalacijama za punjenje boca tehničkih plinova (kisik, dušik, ugljični dioksid i plinska mješavina), u sklopu kojih se nalazi i radionica za popravku, održavanje i kontrolu boca, prostorija za farbanje boca, kancelarija sa sanitarijama i gardarobama za osoblje i tri skladišna prolazna boksa; betonski plato sa 6 nadzemnih stabilnih rezervoara tekućeg plina; asfaltirane površine i interne saobraćajnice oko objekta.

Prilikom uviđaja na predmetnoj lokaciji utvrđeno je da je došlo do promjene u tehnološkom procesu rada, te se voda više ne koristi za hlađenje cisterni za vrijeme visokih temperatura. Navedene cisterne su uklonjene (cisterna za propan butan, punionica propan butana i dva nadzemna rezervoara

propan butana), te više nema potrebe za rashlađivanje istih vodom. O navedenom je podnosilac dostavio očitovanje broj: 7-IP-51/25 od 09.09.2025. godine, zaprimljeno 10.09.2025. godine.

Otpadne vode sa predmetne lokacije koje se prikupljaju putem slivnika i linijskih slivnih rešetki, te putem kanalizacione mreže odvođe do uređaja za tretman otpadnih voda (separator) i preko okna za monitoring odvođe i ispuštaju u zacijevljeni kanal, čiji je krajnji recipijent rijeka Bosna. Lokacija izgrađenog skladišno-poslovnog objekta je van gradskog kanalizacionog sistema, obzirom da je objekat nizvodno od gradskog uređaja za prečišćavanje otpadnih voda.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. Dispozitiva ovog Rješenja, propisani uslovi u skladu sa članom 116. do 118. Zakona o vodama i članom 13. Pravilnika o sadržaju, obliku, uvjetima, načinu izdavanja i čuvanja vodnih akata.

Podnosioc zahtjeva je, na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98,8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Munir Trako, dipl.inž.građ.

Po ovlaštenju  
Rukovodilac Sektora za izdavanje  
vodnih akata



Nihad Pezo, dipl.inž.građ.

Dostaviti:

- «MESSER TECHNOPLIN» d.o.o. Sarajevo, Rajlovačka bb, 71000 Sarajevo
- ☞ AVP Sava, ISV – Vodna knjiga
- Sektor 50
- Sektor 40, arhiva
- Oglasna tabla AVP Sava - Sarajevo